

山西通志卷第十九

山西巡撫都察院右副都御史臣覺羅石麟奉

旨修輯

山川三

潞安府

長治縣

太行山 長治居其巔東界在平順縣

五龍山南六十里高八百四十丈盤踞十二里一峰高十二

丈五尺上有五龍殿

周秦託山高二千五百尺

唐志上黨有五龍山

十六國春秋西燕慕容永時有五色雲見於此遇旱禱雨

輒應因置祠以祭五方之神東北一里有小松窠枕崗而

踞阜三面胥絕壑斷崖北爲雲梯環山胥茂松李白詩所

謂上黨碧松烟也樵採者罔敢覘名龍山松 上古十紀

二曰五龍紀春秋命歷序皇伯皇仲皇叔皇季皇少五姓

同期俱駕龍號曰五龍遁甲開山圖五龍見教天皇此宜與廣

施之五龍山五龍池五龍泉雲陽之五龍谷互考又東南

三十里有五龍山高二百二十丈盤踞十六里南連八

墳四里張說奉和聖製賜崔日用往潞州應制川橫八練澗

山帶五龍長

百穀山在縣東北十三里高三百四十丈盤踞六里石子河

經南山峽上有栢谷寺一名栢谷山下有泉與石子河俱

經南山峽焉 太平寰宇記百穀山與太行王屋皆連風

洞泉谷崖壑幽邃最稱嘉境昔神農嘗百穀於此因名山

建廟仲春上甲日致祭 王基神農廟記絕頂之半廓以

石澗俯瞰城郭世傳帝嘗百穀於茲 明一統志山與太

行王屋相接多栢稱爲栢谷 半崖石上一鑊轉運使兵
部員外郎張去惑恭侍老親遊此至和二年三月初五日
誌一鑊泰和甲子四月癸丑時雨小愆將害麴麥穀不能
殖投隙一禱栢穀佛祠是日雨霑足

小石山在縣東五里高一百十丈盤踞五里南連鳳凰山二
里

鳳凰山二一在縣東五里高九十丈盤踞六里南連秋谷山
泗里一名塔兒嶺一在縣南五十里高八十一丈盤踞三
里

風王山在縣東六里高五十四丈盤踞三里南連壺口山五
里

壺口山在縣東七里高三十三丈五尺盤踞一里南連小石

山三里兩峰夾峙而中虛形似壺口下卽古壺關縣治上

有平頂寺

明志漢於此置關未覈

師古注壺口山在河東上黨

潘

炎九日紫氣賦序景龍三年九月九日上與羣官壺口山
升高時有紫氣光彩照日

秋谷山在縣東南八里高百二十五丈盤踞三里南連五龍
山三十里潞志拾遺秋谷山郡東五里 元仁宗大書秋
谷二字以賜李孟秋谷者潞東山而李道復之別號也

姚燧李平章畫像序上云未出閣有李道復日侍講讀親
而敬之嘗召繪工惟肖其形賜號秋谷命集賢大學士王
顯大書之手刻爲扁而署其上又側注曰大德三年四月
吉日爲山人李道復製

靈泉山在縣東南十里山半石洞有清泉禱雨多應

金粟山在縣東南三十里高六十二丈盤踞二里

三巘山二一在縣東南三十里高二百一丈盤踞五里一在縣西南五十五里高二百丈盤踞五里

佛山在縣東南三十五里壺關界高三十丈盤踞五里一名佛耳山 劉麟詩佛有骨亦有齒晉嶺盤空天下無擇勝呈聰露其耳

浮山在縣東南五十五里高二百丈盤踞六里上有寶峰寺雄山在縣東南六十里高二百二十七丈盤踞四十七里上有三峰第一峰高三十六丈第二峰高十七丈八尺第三峰高十四丈疊嶂起伏似遊龍奔馬諸峰羅列特爲雄壯相傳元時有李仙自沁州昇舉卓劍雄山巔召山下宗族會集拔劍而去山有泉卽劍穴也 東山坡有洵水 明

李惟馨杜敦章誠結社稱雄山三老

東山在東南七十里呂栴東山書院記曰東山在雄山鄉卽俗所謂東嶺也仇氏族居於此乃於雄山之東嶺建書院焉凡東山之水皆趨聚橫池有格心橋

羊頭山在縣東南七十里高百四十三丈盤踞四里南連三巉山袤十三里南坡連高平縣界山下有淘金河

雄東書院山在縣東南七十五里高一百十五丈盤踞五里內連四貞山東連壺關縣山

雞鳴山在縣東南八十里高一百七丈盤踞四里當郡之界雞鳴兩界皆聞有雞鳴水 地形志壺關有雞鳴嶺一名大山

南雲山在縣東南八十里高六十丈盤踞四里南連高平縣

界上有九江廟

二仙山在縣南四十里高百四十八丈盤踞三里南連五龍山十三壘上有寶雲寺

鶴子山在縣南六十里高四百九十九丈盤踞十九里西北山麓有濟瀆廟神座下湧泉殿前環五色魚池

八諫山在縣西南六十里下有八諫水 長平之役趙軍中有八諫而死者故名

石佛山在縣南七十里高四十丈盤踞三里上有石佛殿

南泉山在縣南七十里高百八十丈盤踞十里北山凹爐平溝湧泉流入八俗河

玉泉山在縣南七十里高二百六十丈盤踞八里

天臺無影山在縣西南二十里高六十九丈盤踞二里四周

平坦日出入胥無影土人傳媧皇煉石地名望兒臺

五定山在縣西南二十五里高九十丈盤踞七里

牛王嶺在縣西南二十五里高百八十丈盤踞四里

黎侯嶺在縣西南三十里高百九十丈盤踞六里黎泉出焉

有黎侯亭

郡胥石山獨嶺爲土山

秀巖山在縣西南四十五里高六十八丈盤踞五里

紫沙嶺在縣西南五十里高百八十丈盤踞八里南山坡連

長子縣界

石泉山在縣西南五十里高七十三丈盤踞五里

團山在縣西南五十里高百八十丈盤踞四里西連長子縣

界

興龍山在縣西南五十五里高一百十丈盤踞十里

秦洪山在縣西南五十五里高四百丈盤踞二十二里
聖皇嶺巽山在縣西南六十里高百五十丈盤踞八里
圪堆嶺在縣西南六十里高五十丈盤踞一里

羊腸嶺在縣西南六十里高百六十五丈盤踞四里

福泉山在縣西南七十五里高二百五十丈盤踞十四里巔
有福水禪院

首陽山在縣西南七十五里高五百十丈盤踞三十五里南
山坡隸高平西山坡隸長子有泉水

北珥山在縣東北十二里高七百五十五丈盤踞十三里東

北連平順山東連壺關山北連潞城界南連百穀山五里

大獎山在縣東北十五里高二十五丈盤踞二里北山麓連

壺關界

大凹山在縣東北十五里高五十丈盤踞二里

馬駒山唐志上黨有馬駒山

洵水在縣東南八十里源出雄山東坡北流合洵清河西至長子界入漳水 水經注陶水南出南陶北流至長子城東西轉逕其城北至沙河口東注於漳水

黎水在縣南二十五里源出黎侯嶺北流至城西土人名黑水河合石子河西入漳水

故城水在縣西南十六里源出路之故城土人名破城北流二里合石子河

龍潭在縣西三十里一名金龍池

漳水濁漳自鹿谷發源東流經縣治之南又東入長子界折而北經屯留潞城界入襄垣至縣治東北隅又折而東入

黎城界掠潞城之北東入平順界出太行漳義口達河南
彰德府界合清漳又合衛北流直達天津 王致中詩序
乘便游發鳩見泉源清而且列

石子河繇壺關北界經縣境百穀山峽西南流環城西北下
胥亂石又南會黑水河經暴河頭入漳水凡五龍山東及
壺關東北之水胥滙此洪濤聲聞數里

百穀泉在百穀山神農廟前砥石湧泉寺僧引爲伏流注爲
塘由螭口飛下大壑味甘雖旱不涸一名神農井上黨記
炎帝廟西五十步石泉二所一清一白味甘美呼爲神農
井

洹清河自壺關南界入縣境經高河鋪繇西南二十里楊暴
村流至西北暴河頭入漳水凡長治東南山外及壺關南

界之水胥滙此西流至雄山北麓入淘水土人名淘金河
雞鳴水源出雞鳴山會雄山東南隅之水北流入八諫水達
漳

八諫水源出八諫山會雄山西南隅之水北流合淘水土人
名西火河

山水河 無本潦則繇五龍山奔趨而來環繞南關
首陽山泉流入師莊鎮經橫嶺入漳水

玉露泉 甘泉 元晉陽張瞻甫知潞州重建德風亭亭前
出泉二一曰玉露泉一曰甘泉

聖泉在蓮花池東十餘武

國朝康熙元年湧出中多細鱗色似金

長子縣

發鳩山在縣西五十里高二百八十八步盤踞三十一里西至橫水村十五里東至川口村九里 水經濁漳水出上黨長子縣西發鳩山 水經注出麓谷與發鳩連麓而在南淮南子謂之發苞山故異名互見也左則陽泉水注之右則散蓋水入焉三源同出一山但以南北爲別耳 正義刁黃鹿谷二山壯鹿也 王鑑禹貢考有四星池是謂靈湫爲漳水之源其山蒼秀挺聳諸峰四面如列屏然鹿谷其別名也 宋王大定靈湫廟額記縣之西四十里有山曰發鳩其麓有泉漳水之源也有神主之政和元年夏禱於祠下未二日雨霑足勅名靈湫廟 邑人安寶刻鳩山勝蹟三卷 山海經發鳩之山其上多柘木有鳥焉狀如烏文首白喙赤足名曰精衛其鳴自詒是炎帝之少女

名曰女娃遊於東海溺而不返故爲精衛常銜西山木石以堙東海漳水出焉東流注於河 上黨記屯留有鹿谷山濁漳所出有余吾城在縣西北三十里發鳩隸長子鹿谷隸屯留是析爲二山也 地形志有廉山濁漳出焉是發鳩一名廉山也

梁山在縣東南二十里高一里盤踞二里半東至長治界一里山下有梁水

慈林山在縣東南三十里遙高五里盤踞十里東連紫雲山十里山有一峰 宋龍圖閣學士太康侯王益柔有慈林寺碑元豐四年立

紫雲山在縣東南四十里遙高三里盤踞十里接慈林壺口山 唐瑞應錄明皇別駕潞州時與郡僚宴壺口遙見羊

頭山西北紫雲朝拱因名曰紫雲山一說壺關山東北現紫雲云

虞雲山在縣東南五十里遞高一里半南至高平界一里連紫雲山相傳堯時五色慶雲見此

羊頭山在縣東南五十里遞高五里盤踞五里東至長治界南至高平界胥五里一峰最高上有石形似羊頭地形志羊頭山下神農泉北有穀關卽神農得嘉穀處山下有穀泉章懷注羊頭山在上黨郡穀遠縣金志有羊頭山發鳩山堯水漢永初五年羌寇河內侍御史任尚擊於羊頭山破之誘殺降者二百餘人爲罷孟津屯上黨記長子關城都尉所治令狐徵君隱東山中去郡六十里卽壺關三老令狐茂上書訟戾太子者也茂卽葬其山

又云穀遠有羊頭山沁水所出

丹朱嶺在縣南二十五里嶺南十五里爲高平界 舊志稱

丹朱陵 山海經蒼梧之山舜葬於陽丹朱葬於陰括地

志丹朱故城在鄧州內鄉縣而內鄉亦有丹朱墓九域志

鄧有丹朱冢相州之永和鎮又有丹朱陵山西浮山縣爲

丹朱食邑而平陽府及陽城縣皆有丹朱墓府志辨疑曰

陵爲水溜其中甚大有古器非唐虞制大類秦漢以下物

此必堯暄父子之墓而誤以爲丹朱陵也或又曰嶺土皆

赤色故名丹朱陵 丹朱城相傳丹朱築縣治西南今廢

址少存 唐十道圖堯長子丹朱所築古長子縣治在此

後燕慕容垂修築 朱虛有丹山丹水出焉東丹西丹二

水近有長阪遠峻謂之行軍坡古記傳爲丹朱蹟 明王

世貞適晉紀行通志平爲丹嶺復上下險阻可三十里而稍平

江豬嶺在縣南四十里高平界卽丹朱之南嶺也

潛山在縣西南十五里遙高二里盤踞三里巔有幾廟

傘蓋山在縣西南五十里高二里盤踞三里南至泚水界二里一峰團垂形似傘蓋有傘蓋水

白佛頭山在縣西二十五里高二里盤踞一里半西至發
山二十五里有雍水巔有白石形似佛頭

九臺峪在縣西二十五里

化師山在縣西三十里舊名古邱所謂邱山落然也唐特
僧化此故名

方山在縣西六十里遙高十里盤踞十五里東至發鳩山